

Еуразия экономикалық қоғамдастығына мүше мемлекеттердің энергетикалық рыногын ақпараттық қамтамасыз етудің жалпы жүйесін қалыптастыру туралы келісімге қол қою туралы

Қазақстан Республикасы Үкіметінің 2005 жылғы 27 қыркүйектегі N 956 Қаулысы

Қазақстан Республикасының Үкіметі **ҚАУЛЫ ЕТЕДІ:**

1. Қоса беріліп отырған Еуразия экономикалық қоғамдастығына мүше мемлекеттердің энергетикалық рыногын ақпараттық қамтамасыз етудің жалпы жүйесін қалыптастыру туралы келісімнің жобасы мақұлданды.

2. Еуразия экономикалық қоғамдастығына мүше мемлекеттердің энергетикалық рыногын ақпараттық қамтамасыз етудің жалпы жүйесін қалыптастыру туралы келісімге қ о л қ о й ы л с ы н .

3. Осы қаулы қол қойылған күнінен бастап қолданысқа енгізіледі.

Қ а з а қ с т а н Р е с п у б л и к а с ы н ы ң

Премьер-Министрі

Жоба

Еуразия экономикалық қоғамдастығына мүше мемлекеттердің энергетикалық рыногын ақпараттық қамтамасыз етудің жалпы жүйесін қалыптастыру туралы келісім

Бұдан әрі Тараптар деп аталатын Еуразия экономикалық қоғамдастығына мүше мемлекеттердің Үкіметтері,

2000 жылғы 10 қазандағы Еуразия экономикалық қоғамдастығын құру туралы шарттың , Еуразия экономикалық қоғамдастығы Мемлекетаралық Кеңесінің 2003 жылғы 28 ақпандағы N 103 шешімімен бекітілген Еуразия экономикалық қоғамдастығына (бұдан әрі - ЕурАзЭҚ) мүше мемлекеттердің энергетикалық саясаты негіздерінің ережелерін басшылыққа ала отырып,

ЕурАзЭҚ-қа мүше мемлекеттердің энергетикалық рыногын (бұдан әрі - ЕурАзЭҚ ЭР) қалыптастыруда және оның жұмыс істеуінде ақпараттық жүйе құрудың маңызды р о л і н е с к е р е о т ы р ы п ,

энергетика мәселелері бойынша ақпаратпен кеңінен алмасу үшін қолайлы жағдайлар жасауға ұмтыла отырып,

ЕурАзЭҚ ЭР-ды қалыптастыру үшін Тараптардың ақпараттық ресурстарын бірлесіп пайдалану қажеттілігін мойындай отырып,

төмендегілер туралы келісті:

1-бап

Осы Келісімнің мақсаттары үшін төменде санамаланған терминдер мыналарды білдіреді:

"ЕурАзЭҚ-қа мүше мемлекеттердің энергетикалық рыногын ақпараттық қамтамасыз етудің жалпы жүйесі" (бұдан әрі - ЕурАзЭҚ ЭР АҚЖЖ) - Тараптар мемлекеттерінің аумақтарындағы энергетика бойынша ақпаратты жинау, өңдеу және беру жөніндегі коммуникациялық жүйе.

ЕурАзЭҚ ЭР АҚЖЖ мыналарды қамтиды:

келісілген тізбелер мен нысандар бойынша жинақталған және жүйелендірілген энергетика жөніндегі дерекқорды;

ЕурАзЭҚ ЭР-ға қатысушыларға сапалы анықтамалық-ақпараттық қызмет көрсетуді жүргізуге және Тараптар арасында жедел ақпарат алмасуды жүзеге асыруға мүмкіндік беретін қазіргі заманғы техникалық құралдарды, коммуникацияларды, бағдарламалық қамтамасыз етуді және ақпараттық технологияларды;

"Дерекқор" - ЕурАзЭҚ ЭР субъектілері үшін қол жетімді, белгілі бір жерге шоғырланған, құпияға жатпайтын ақпараттар жиынтығын;

"Тараптардың уәкілетті органдары" - ұлттық заңнамаға сәйкес Тараптар айқындайтын мемлекеттік басқару органдарын.

2-бап

ЕурАзЭҚ ЭР АҚЖЖ-ны қалыптастырудың құқықтық негізін құру және ЕурАзЭҚ ЭР-ды қалыптастыру, оның жұмыс істеу және даму процестерін ақпараттық қолдауды қамтамасыз ету осы Келісімнің мақсаттары болып табылады.

3-бап

ЕурАзЭҚ ЭР АҚЖЖ-ның негізгі міндеттері:
энергетика жөніндегі дерекқор құру;

Тараптар мемлекеттерінің отын-энергетикалық кешендеріндегі нарықтық қайта құрулар саласында тәжірибе алмасуды кеңейту;

ЕурАзЭҚ ЭР-дың тиімді жұмыс істеуін қалыптастыру және қамтамасыз ету үшін дерекқорды пайдалану;

Тараптар мемлекеттерінің отын-энергетикалық ресурстарын бірлесіп игеру және оларды ұтымды пайдалану үшін инвестицияларды тартуға жәрдемдесу болып табылады.

4-бап

ЕурАзЭҚ ЭР АҚЖЖ-ны қалыптастыру кезінде Тараптар мынадай қағидаттарды негізге алады:

мүдделердің ортақтығы және өзара пайда;
ЕурАзЭҚ ЭР АҚЖЖ дерекқорына тең қол жеткізуді қамтамасыз ету;
ЕурАзЭҚ ЭР АҚЖЖ үшін ақпаратты дайындауға бірыңғай әдіснамалық тәсілдерді қолдану.

5-бап

Тараптар ЕурАзЭҚ ЭР АҚЖЖ дерекқорын мынадай негізгі энергетика бағыттары бойынша қалыптастырады:

ЕурАзЭҚ-қа мүше мемлекеттердің заңнамалық және өзге де нормативтік құқықтық актілері;

ЕурАзЭҚ органдарының халықаралық шарттары мен шешімдері;
ЕурАзЭҚ-тың Интеграциялық комитеті жанындағы Энергетикалық саясат жөніндегі кеңестің материалдары;
халықаралық ұйымдардың материалдары;

Тараптар мемлекеттерінің энергетикасын дамытудың маңызды бағыттары бойынша статистикалық деректер;

орта мерзімді кезеңге арналған стратегиялық дамыту, жоспарлау жөніндегі ақпарат, ғылым мен озық технологиялар жетістіктері туралы ақпарат алмасу;

Тараптар мемлекеттері мен басқа мемлекеттердің энергетикалық секторындағы нарықтық қайта құрулар туралы ақпарат;
ғылыми-талдамалық және техникалық ақпарат;
энергетикадағы мемлекеттік стандарттар туралы ақпарат;
көтерме және бөлшек сауда энергетикалық рыноктарындағы бағалар мен тарифтер туралы ақпарат.

6-бап

ЕурАзЭҚ ЭР АҚЖЖ-ны құру, оның жұмыс істеуі және дамуы жөніндегі міндеттерді іске асыруды Тараптар тағайындайтын уәкілетті органдар жүзеге асырады.

Тараптар осы Келісім күшіне енгеннен кейін 30 күн ішінде ЕурАзЭҚ ЭР АҚЖЖ мәселелері жөнінде олар тағайындаған уәкілетті органдар туралы ЕурАзЭҚ-тың Интеграциялық комитетіне хабарлайды.

Тараптардың бірінің уәкілетті органдары өзгерген жағдайда ол бұл туралы депозитарийді жазбаша хабардар етеді.

ЕурАзЭҚ ЭР АҚЖЖ-ны құру жөніндегі Тараптардың уәкілетті органдарының қызметін үйлестіруді ЕурАзЭҚ-тың Интеграциялық комитеті жанындағы Энергетикалық саясат жөніндегі кеңес жүзеге асырады.

7-бап

ЕурАзЭҚ-тың Интеграциялық комитеті жанындағы Энергетикалық саясат жөнiндегi кеңес:

ЕурАзЭҚ ЭР АҚЖЖ-ны iске асырудың нысаны мен тетiгiн айқындайды; құрылатын ЕурАзЭҚ ЭР АҚЖЖ дерекқорының ақпараттар тiзбесiн нақтылайды; Тараптардың ЕурАзЭҚ ЭР АҚЖЖ үшiн ақпаратты ұсыну нысандарын, тәртiбi мен мерзiмдiлiгiн әзiрлейдi;

ЕурАзЭҚ интеграциясын басқару органдары үшiн ЕурАзЭҚ ЭР АҚЖЖ-ны материалдық-техникалық және қаржылық қамтамасыз ету мәселелерi жөнiндегi ұсыныстарды дайындайды.

8-бап

Тараптардың уәкiлеттi органдары өз мемлекеттерi заңнамаларының шеңберiнде ЕурАзЭҚ ЭР АҚЖЖ-ны қалыптастыру және қолдау үшiн өзара келiсiлген тiзбе, нысан және мерзiмдер бойынша ақпаратты дайындауды және дерекқорларға тұрақты ұсынуды қамтамасыз етедi.

9-бап

Осы Келiсiмнiң ережелерiн iске асыру мақсатында Тараптардың уәкiлеттi органдары өз құзыретiнiң шегiнде жекелеген мәселелер бойынша қосымша ведомствоаралық хаттамалар жасасуға құқылы.

10-бап

Осы Келiсiмнiң ережелерi басқа халықаралық шарттардан туындайтын Тараптардың құқықтары мен мiндеттемелерiн қозғамайды.

11-бап

Тараптардың өзара уағдаластығы бойынша осы Келiсiмге оның ажырамас бөлiктерi болып табылатын және осы Келiсiмнiң 14-бабында көзделген тәртiппен күшiне енетiн жеке хаттамалармен ресiмделетiн өзгерiстер мен толықтырулар енгiзiлуi мүмкiн.

12-бап

Осы Келiсiмдi қолдануға немесе түсiндiруге байланысты даулы мәселелер Тараптар арасындағы консультациялар мен келiссөздер жолымен шешiледi, ал келiсiмге қол жеткiзiлмеген жағдайда дауды ЕурАзЭҚ Соты қарайды.

13-бап

Осы Келісім Осы Келісімнің мақсаттары мен қағидаттарын бөлісетін және өзіне тиісті міндеттемелерді қабылдауға дайын басқа мемлекеттердің оған қосылуы үшін аш ы қ .

Осы Келісімге қосылу Тараптардың келісімімен депозитарийге қосылу туралы құжатты беру жолымен жүзеге асырылады.

14-бап

Осы Келісім белгіленбеген мерзімге жасалды және депозитарий Тараптардың осы үшін қажетті мемлекетішілік рәсімдерді орындағаны туралы соңғы жазбаша хабарламаны алған күнінен бастап күшіне енеді.

Әрбір Тарап осы Келісімнен одан шығуға дейін депозитарийге бұл туралы жазбаша хабарлама жібере отырып және Осы Келісімді іске асыру барысында туындаған барлық міндеттемелерді орындай отырып шыға алады.

Осы Тарапқа қатысты осы Келісімнің қолданылуы осындай хабарламаны депозитарийдің алған күнінен бастап алты ай өткен соң тоқтатылады.

Еуразия экономикалық қоғамдастығының Интеграциялық комитеті осы Келісімнің депозитарийі болып табылады.

2005 жылғы " ____ " _____ қаласында орыс тілінде жалғыз данада жасалды.

Түпнұсқа данасы Осы Келісімнің әрбір Тарабына оның куәландырылған көшірмесін жіберетін Еуразия экономикалық қоғамдастығының Интеграциялық комитетінде сақталады.

<i>Беларусь</i>	<i>Қазақстан</i>	<i>Қырғыз</i>
<i>Республикасының</i>	<i>Республикасының</i>	<i>Республикасының</i>
<i>Үкіметі үшін</i>	<i>Үкіметі үшін</i>	<i>Үкіметі үшін</i>
	<i>Р е с е й</i>	<i>Т ә ж і к с т а н</i>
	<i>Федерациясының</i>	<i>Республикасының</i>
<i>Үкіметі үшін</i>	<i>Үкіметі үшін</i>	